




Háteigur



11. árgangur 7. tbl.

22. ágúst 2007

HAUSTBRÉF

<http://www.hateigsskoli.is>

Frá skólastjóra

Ágætu lesendur,
Skólinn er að byrja. Haustið er tími uppsprettu og ávaxta. Nú eru krækiberin þroskuð og fátt notalegra en að sitja við dökkbláa lyngbreiðu og tína safarík berin upp í sig. Nú væri hægt að fylla búr með sultu og saft til að eiga sumarvítamín fram á vetur. Börnin hafa nýtt sumarið ásamt foreldrum sínum til að þroskast og eru sjálf full af sumarvítamínum til að takast á við veturinn. Það er alltaf spennandi að byrja í skólanum á haustin, bæði fyrir börnin, kennarana, annað starfsfólk og skólustjórnenndur því að skólabyrjunin er full af eftirvæntingum og vonum. Nemendurnir vilja gera aðeins betur, kennararnir reyna að gera hluti svolítið öðruvísi og kannski meira spennandi og skólustjórnenndur reyna að skapa nýja möguleika og þróa nýjar leiðir.

Við endurskoðuðum margt í starfsmannahandbók og stefnumörkun sem er ætlað að stuðla að betra og skilvirkara starfi. Nú er starfsmannahandbók eiginleg bók. Það eru að verða heilmiklar breytingar á húsnæði skólans. Nú mun snjórinn bráðna af tröppunum við aðaldyrnar en þar hefur oft skapast mikil hætta á undanförnum árum. Byggt hefur verið svolítið geymslupláss undir þessum tröppum sem voru endursteyptar en stóru tíðindin eru stærri og betri stofur fyrir 1. bekkinga. Á svæði 1. bekkinga er verið að gera byltingarkenndar breytingar með því að bætt hefur verið við tveimur aðliggjandi herbergjum og vinnurými barnanna stækkað svo um munar. Þessi möguleiki komi í ljós í vor og það er gleðilegt hversu vel ráðamenn tóku í tillögur skólans og drifu sig í framkvæmdirnar.

Allmargir nýir starfsmenn hafa bæst í hópinn og við bjóðum þá sérstaklega velkomna til starfa. Nýir kennarar eru Auður Aðalsteinsdóttir umsjónarkennari í 5. bekk, Elín Vigdís Ólafsdóttir umsjónarkennari í 5. bekk, Erla Súsanna Þórisdóttir umsjónarkennari í 8. bekk og dönskukennari, Guðfinna Hákonardóttir umsjónarkennari í 6. bekk, Guðný I. Einarsdóttir umsjónarkennari í 6. bekk og Harpa Helgadóttir íþróttakennari. Bergþóra

Þorsteinsdóttir kemur úr orlofi og hefur umsjón með sérkennslu skólans í stað Helgu Sigurmundsdóttur sem er í námsleyfi. Guðbjörg Hjartardóttir er stuðningsfulltrúi í 1. bekk. Aðrir nýir starfsmenn eru Guðfinnur Þórir Stefánsson sem sinnir ræstingum og Pavla Nevařilova er skólaliði. Þegar þetta er ritað vantar enn í tvær til þrjár stöður kennara en okkur vantar einnig skólaliða og stuðningsfulltrúa. Þetta er ekki gott ástand en skiljanlegt í ljós þeirra þjóðfélagsbreytinga sem eru samfara þeirri þenslu sem er á atvinnu-markaðnum á Íslandi og þá helst hér á Reykjavíkursvæðinu. Ég óska eftir því að foreldrar sýni þessu ástandi skilning því að þetta mun hafa áhrif á starfið í skólanum. Þeim foreldrum og börnum sem þetta hefur áhrif á verður sérstaklega gert viðvart um ráðstafanir skólans.

Það ríkti bjartsýni og gleði hjá starfsliðinu á fyrsta fundi 15. ágúst, þannig er skólustjóra ljóst að starfsmenn eru líka fullir af sumarvítamíni. Það er ánægjulegt að vera kominn aftur til starfa og ég óska okkur öllum góðs gengis og velfarnaðar í því starfi sem er framundan. Verið öll hjartanlega velkomin til starfa.

Ásgeir Beinteinsson, skólustjóri Háteigsskóla

Heitur matur í hádeginu

Nemendum býðst að vera í áskrift að heitum mat í hádeginu. Máltíðin kostar 250 kr. og borgað er mánaðarlega fyrirfram. Hægt er að segja mataráskriftinni upp með mánaðar fyrirvara. Ekki er hægt að kaupa staka máltíð. Umsóknareyðublöð eru á netinu og fara líka heim með nemendum miðvikudaginn 22. ágúst og skal skila þeim til umsjónarkennara eða á skrifstofu skólans á morgun, fimmtudaginn 23. ágúst.

Öryggiseyðublað

Allir nemendur fá í upphafi skólaársins heim með sér öryggiseyðublað líkt og við höfum notað undanfarin ár. Eyðublöðin nýtast mjög vel til að tryggja að allar upplýsingar um nemendur séu réttar í skrá skólans. Aðalkostur þeirra er að til þeirra getur starfsfólk gripið ef slys eða skyndileg veikindi ber að höndum. Forráðamenn eru beðnir um að sjá til þess að eyðublöðin berist umsjónarkennurum á morgun, fimmtudag.

Foreldraviðtöl, starfsdagar og vetrarfrí

Eins og kom fram á skóladagatali (sjá heimasíðu) sem var sent heim í vor, verða foreldraviðtöl 9. október og 29. janúar.

Starfsdagar verða 5. október, 3. janúar, 21. janúar, 6. febrúar og 5. júní.

Vetrarfrí verður heil vika í þetta sinn, 29. október – 2. nóvember.

Skólasund veturinn 2007 – 2008

Eins og undanfarin ár verður sundið á föstudögum í Sundhöll Reykjavíkur (fyrir og eftir hádegi) og í sundlaug Austurbæjarskóla (fyrir hádegi). Á fimmtudagsmorgnum verður einnig sundkennsla í Sundhöllinni.

Nemendur í 4. bekk eru í sundi allan veturinn og eru tímar þeirra á stundaskrá. Aðrir nemendur eru ýmist í sundi á haust- eða vormisseri. Nemendum í 1. – 7. bekk er ekið milli laugar og skóla. Á föstudagsmorgnum verða nemendur í 4. bekk að vera mættir aðeins fyrr en venjulega því rútan fer frá skólanum kl. 8:15. Nemendur í 1. – 3. bekk fara úr kennslustundum frá umsjónar-kennurum. Starfsmaður skólans fylgir nemendum 1. – 4. bekkjar í rútnni milli laugar og skóla.

Föstudagur:

Kl.	Frá skóla	Haustrisseri	Vormisseri
8:30-9:10	8:15	4. b. piltar	4. b. stúlkur
9:10-9:50	8:55	3. b. stúlkur	3. b. piltar
10:10-10:50	9:55	2. RH	2. JOS
10:50-11:30	10:35	4. b. stúlkur	4. b. piltar
11:40-12:20	11:25	Aukatími	
13:00-13:40	12:45	1. HP	1. KR

Skipti verða á 4. bekknum 18. janúar, þ.e. stúlkur í 4. bekk byrja þá fyrst á morgnana í stað pilta í 4. bekk.

Nemendur í 5. og 7. bekk eru í sundi allan veturinn í Sundhöllinni á fimmtudagsmorgnum. Nemendur 7. bekkjar mæta beint upp í Sundhöll kl. 8:25. Nemendur 6. bekkjar eru í sundi á vormisseri. Nemendum 5. – 7. bekkjar er ekið milli laugar og skóla nema 7. bekkjar sem mæta beint í Sundhöll á morgnana.

Fimmtudagur:

Kl.	Frá skóla	Haustrisseri	Vormisseri
8:30-9:10		7. EH	7. LG
9:10-9:50	8:55	5. AA	5. EVÓ

Föstudagur:

13:40-14:20	13:25	6. bekkur
-------------	-------	-----------

Á föstudögum eru nemendur í 8. og 10. bekk í sundi í Sundhöllinni á haustmisseri og eru tímar þeirra skráðir á stundatöflu. 9. bekkur er síðan á vormisseri.

Kl.	Haustrisseri	Vormisseri
13:40-14:20	8. bekkur	
14:30-15:10	10. ÁR	9. HB
15:10-15:50	10. SA	9. MHS

Síðasti sundtími hópa á haustmisseri er 10. og 11. janúar og nemendur vormisseris byrja 17. og 18. janúar.

Mjólkuráskrift

Í vetur verður hægt eins og undanfarin ár að kaupa mjólk í áskrift. Tímabilin verða tvö í ár og sala fyrir fyrra áskriftartímabil verður 23. og 24. ágúst í bekkjunum, en tekið verður við áskriftum til 24. ágúst. Forráðamenn geta líka greitt áskriftina með því að leggja inn á bankareikning skólans en þá verða þeir að koma með kvittun í skólann eða senda hana. Reikningsnúmerið er 0111-05-64112 og kennitala 671088-2639. Fyrsta afhending verður mánudaginn 27. ágúst og síðasta afhending tímabilsins er fimmtudaginn 17. janúar.

Áskrift:

Verð fyrir 86 skipti:	einföld	tvöföld (2svar á dag)
Léttmjólk ¼ l	2.000 kr.	4.000 kr.
Dreitill ¼ l	2.000 kr.	4.000 kr.

Ástundun nemenda

Allir kennarar skrá hegðun og mætingar nemenda í skólanum. Ástundun nemenda 6. – 10. bekkjar verður send heim á u.þ.b. mánaðarfresti. Allir forráðamenn hafa net-aðgang að upplýsingum um ástundun barna sinna í Mentor ásamt fleiri upplýsingum sem kennari kys að setja á netið. Slóðin er <http://www.mentor.is>. Á unglingastigi er skólasóknareinkunn tengd ástundun og birtist hún á próf-skírteinum.

Heimanám fyrir nemendur í 5. – 10. bekk

Vonir standa til að hægt verði að bjóða nemendum 5. – 7. bekkjar upp á aðstoð í skólanum við heimanám. Ekki hefur ekki verið hægt að bjóða þetta undanfarna vetur því of fáir hafa sótt um. Lágmarkspáttaka í hvern tíma eru 12 nemendur. Þetta verður nánar auglýst síðar.

Ábending frá íþrótt- og sundkennurum

Í íþróttatímum er ætlast til þess að nemendur séu í íþróttafötum og íþróttaskóm með ljósum sóla.

Nemendur eiga að klæðast sundfötum í sundtímum, þ.e. strákar í sundskýlum og stúlkur í sundbolum. Ekki gengur að nota bikini eða sundbuxur.

Minnisatriði í upphafi skóla

Hvers konar notkun farsíma er bönnuð í kennslustofum. Það á að vera slökkt á sínum og þeir eiga að vera í töskum eða vösum. Verði misbrestur á er síminn tekinn af nemanda og hann aðeins afhentur forráðamanni. Farsímar, geislasplákar og önnur verðmæti eru best geymd heima.

Allir þurfa að muna eftir því að fá sér inniskó þar sem nemendur fara úr útiskóm við útidyr.

Nemendum 7. – 10. bekkjar gefst kostur á að fá lánaðan læstan skáp gegn 1000 kr. tryggingargjaldi sem fæst endurgreitt þegar lykli er skilað að vori.

Nemendur eru beðnir að forðast eins og kostur er að koma með verðmæti með sér, enda getur skólinn ekki tekið neina ábyrgð á verðmætum ef þau hverfa.

Hjólreiðar eru ekki leyfðar á skólalóðinni á skólatíma. Sama gildir um hjólaskauta, hjólaskó, hlaupahjól og hjólabretti.